

Deo optimo maximo uni & trino, Virgini Deiparae, & sancto Lucae orthodoxorum Medicorum Patrono.

QUÆSTIO MEDICA

Cardinalitiis disputationibus, manè discutienda in Scholis Medicorum, die Jovis decimâ octavâ Martii.

M. RAPHAEL MAURIN, Doctore Medico, Præsîde.

An subtilis materia cum aëre juncta ægrum sanat, & corpus anime domicilium conservat?

SANITAS est perfectâ omnium functionum integritas, quæ debito spirituum ordine fovetur, dum humores qui debent excerni, vacuantur, qui debent retineri, conservantur, perfectâ fruimur sanitate, dum spiritus qui facile se extricatur, leviter involvitur, dum materia crassa quæ nimium sibi adheret, parum attenuatur, nec præcipiti nec lento sentitur humorum gradu, nec spiritus seu subtilis materia humores nimium exagitat, non subtilem dico Cartesii materiam; subtilissimum quod concipitur, ignis est, qui omnia subit, qui in rerum creatione productus fuit, illic viget, ibi languet, collectus & extricatur omnia evertit, divisus & involutus nullâ vi pollet. Nos ignem subtilem materiam statimus, quæ sensus nostros afficit, ratione & experientia nitimur. Ignis moderatus organa corporis humani conservat, anima illis eget ut retineatur & operetur, sola ratione est prædita, nec interitui obnoxia; omnia alia animalia sunt rationis experta. Gallina fovet ova, pullos ab ovis eductos ducit, & ad pascuum vocat, à canibus & aliis quantumque in se est, vindicat, alios pullos continet suos, eisdem ætate provectos, dum ad matrem accedunt, rostro suo mater expellit, si suos cognosceret pullos, suorum amicitia & tot laborum recordaretur mater, nulla gallinae inest cognitio, aderat solus naturæ motus nullâ ratione fretus.

MULTA ad sanitatem conservandam, pauca ad evertendam concurrunt, humor biliosus sensum sine sensu à sanguine ad cyllim felleam debet ferri, serosus viam sibi parat ad renes, mucosus ad nares; dum per filtra natura se exonerare non potest, confunduntur humores, intricatur spiritus, aut intenditur fermentatio; subtilis sanguinis portio copiam & humorum crassitie obruitur, totius corporis motus languet, calor adhuc in majoribus vasibus, & in corde micat, omnes tandem funguntur humores, motus cessatio mors est. Dum nimio motu attenuantur humores, effervescent sanguis, vix intra vasa contineri potest, majus occupat spatium, venas & arterias distendit, omnes accenduntur humores, acutissima febris ægrotantem vexat; sæpe attenuatus humor fertur ad caput, compositos spirituum motus evertit, quorum omne verè species animæ representantur, ordo perturbatur, debitas actiones anima non elicit, inde delirium subsequitur; si statim non succurrat Medicus, vasa disrumpuntur, per apertam viam totius corporis sanguis effluit; intra breve temporis spatium moriturus ægrotantes, aut sanguis nimium attenuatus & valorum excrementibus exilit, per subtilem alicujus partis diffunditur, interstitia subit, colligitur sanguis, vera fit inflammatio quæ in abscessum migrat, nisi decerpente opem ferat Medicus. Æstu aliquando sanguinis fit colligatio, serosus humor separatur, nunc in illam, alias in alteram partem impetu ruit, fibrola sanguinis portio sibi coheret, motus sanguinis progressivus interceptus, illic serum exuperat, ibi deficit, fervet corpus & urens calor omnia depopulat, sanguinis partes crescent, nimia fermentatione dissipantur spiritus, sanguis exsiccat, suis destitutus spiritibus ad partes amplius non appellitur, illius cessat motus, deficit æger.

MEDICO speciem causamque morbi, & partem affectam detexisse non sufficit, sed mederi ægrotantique succurrere debet; homo nimia sanguinis fermentatione, vel dum intricantur spiritus, interit; aër cum subtili materia junctus pulmones ingreditur, sanguinis fervorem temperat, humorem acriorem demulcet, impetum sanguinis cohibet; venæ sectione sanguis qui educitur propellit aërem qui pulmones subit, extracti cruoris locum occupat; detractâ portione oneris, natura sublevatur, mitescit humor, non ita sevit, revellitur sanguis, ferocitatem deponit, tandem naturalem recuperat motum; emulsiones, apozemata refrigerantia non sunt omitrenda, quæ tenuitate pollent sine calore maxime proficiunt; dum sanguis tantam acquisivit crassitiam ut vix moveri possit, lentus & viscidus humor abundat, humorum nature involvitur spiritus, qui se extricare non potest, condensantur omnes humores, concidunt vires, tandem gravissimo æger corripitur morbo. Subtilis materia cum aëre juncta ad pulmones tendit, sanguinem rarefacit, attenuat, fluidiorem reddit; aër in cubiculo ægrotantis sit calidior, calidus tum per nares, tum per os assumuntur, apozemata calida, vehementiori purgantia, emetica exhibeantur, ut coquantur, exagitentur & irritentur partes, sanguis qui jam jam coagulatur, rarefit, spiritus sese expediunt, lentam crassamque pituitam attenuant; Chymica medicamenta in hoc casu maxime conveniunt. Ignis chymicæ arte varios edit effectus, in sale fixo alkali causticum est, & urit; in sale volatili alkali rarefacit, sudores provocat; in spiritu acido metalla dissolvit; cave ne exhibeas falsa iura ad sedandam fermentationem, & spiritus ad cohibendum sanguinis motum, sanguinis ebullitionem augebunt, aut solidas corporis partes abradent. Chymici non dico genuinos, nomine alkali omnes demulcent humores, vi alkali omnes accendunt, acrioremque reddunt; nec dicant Chymici in morte frigit homo, à frigore mors est; dum tota domus flammâ consumitur, post omnem nutritionem, quod reliquum est, frigit; domus hæc non à frigore, sed à calore in cinerem abit. Frigidum omnia involvit condensatque, frigidus & calido corpore omnia conservantur, dum unum exuperat & aliud omnino vincit, vehementissimus est motus, fit continui dissolutio, aut omnino constringitur corpus, ab initio corpora illata virtute prædita sunt, quæ ad finemque perseverabit. Contraria illa corpora semper inter se pugnant, hyeme corpus frigidum debellat calidum, æstate calidum superat frigidum, vere & autumno æqualis est fere pugna; illis corporibus à mundi exordio hæc Deus concessit qualitates, dum ad prima elementa devenit, ad Deum recurrere non dedecet.

PROCELLIS elapsis placidus est aër, Nautæ adhuc verentur, nimio fluctuum motu, integræ non sunt naves, in tuto sunt Nautæ, naves reparari debent, ut ad portum perveniant. Præteritis quatuor morborum temporibus immediate post, homo nec sanus est nec ægrotat, præcessit morbus qui totum fere depopulatus est corpus, illud exhaustum est, refici debet. Sanitas portus est quem attingere convenit. Usque finem suum consequatur Medicus. Æger si biliosus nactus sit temperamentum, in humili degat loco, aërem purum humidumque recipiat; si obesus sit homo, & humido temperamento præditus, in sublimi stet loco; primus crasso & humido aëre vires recipit, calor qui corpus exsiccat, refrigeratur, subtilis cruoris portio paululum incrassatur, sanguis qui nutrit partes, adheret; concitior sanguinis motus coërcetur, partes omnes dulcem suscipiunt sanguinem, excrementis feceruntur humores, ferox bilis lenitur. Qui pituitoso donatur temperamento, in quo viscidis coæscuntur humores, subtili aëre perfectam recuperat sanitatem, tenuior aëris portio obstructions solvit, lentam crassamque pituitam incidit, lentus sanguinis motus paululum acceleratur, spiritus nitidiores sunt, singule partes proprium & conveniens alimentum suscipiunt, homo à statu neutro ad sanum transit.

PHILOSOPHI multa sinxerunt, quæ nullius sunt momenti, ex fictis alia supponunt, tandem multa subsequuntur falsa. In physicis secundum experimenta ratiocinandum, non supponendum est; supponamus ventos statis horis flare, & ad litus propellere mare, deinde quiescere, maris accessum ad litus & recessum explicare non erit difficile. Supponamus terram moveri, dat sol. Admittamus pulverem arte chymicâ extraham, convertere alia metalla in aurum & argentum, pulverem illo stannum argenti factum. Non supponimus esse discrimen inter ignem & materiam subtilem, ignis per universum mundum diffusus est, ignis corpus est calidum separandum, frigidum corpus jungendum copulat, hoc hyeme manifestum est, frigus agit non iners est, illud sentimus; vis illorum corporum consistit in motu, & qualitate quantitatis non in figurâ, corpus quod in acumen desinit semper non pungit, ut in cerâ apparere, figura modus est. Tenuior sanguinis portio fit à subtili materia cum blando humore juncta, qui humor subtilem retinet materiam, hæc substantia spiritum constituit, dum è cerebro per nervos in omnes corporis partes diffunditur, motum & sensum efficit, spiritus est animalis, spiritus animales nervulos cerebri & fibras multis modis commovent, anima ad illos motus attendit varia distinguit objecta, illorum spirituum ope suo perfecte fungitur officio anima, movet spiritus, quomodo agat hoc nos latet, cum sit eni superius, agit in inferius; qui animam cognoscere asserit, sibi blanditur, cognitionem ab animâ pendere in dubium revocari non potest: animæ essentiam cognoscere non est hominis in hoc mundo degentis. Anima ad Dei naturam plurimum accedit; Hic omnium Conditor non materię auxilio omnia cognoscit, sed sua substantia spiritali; anima sua substantia spiritali falsum à vero distinguit; reliqua animalia si essent ratione prædita, collectis viribus simul congregarentur, hominibus bellum inferrent, proprias occuparent terras, non bos infanti obtemperaret, nec elephas hominis voluntatem sequeretur. Dum omnino delentur organa nec anima potest agere, cum existentia entis spiritalis ab organis non pendeat, anima suis soluta vinculis, Deum suum centrum petit.

Ergo subtilis materia cum aëre juncta ægrum sanat, & corpus anime domicilium conservat.



Proponebat Parisiis LUDOVICUS FRANCISCUS DUTAL, Parisinus, Baccalaureus Medicus. A. R. S. H. MDCC.